

Kalaallit Nunaanni eqqumiitsuliortut atuarfiat pillugu Landstingip inatsisaa

§ 1. Eqqumiitsuliortut atuarfiata siunertaraa eqqumiitsuliortarnerup ineriartortinneqarnera siuarsassallugu.

§ 2. Eqqumiitsuliortut atuarfiata inuit eqqumiitsuliornermut piginnaassusillit soqutigisallillu periarfissinniassavai piginnaassutsiminnik taakkuninnga ineriartortitsinissaannut eqqumiitsuliornerminnillu pitsaanerulersitsinissaannut periarfissinniassallugit.

§ 3. Eqqumiitsuliortut atuarfiat sivikitsunik sivilisunerusunilluunniit kursusersitsinernik neqerooruteqartartussaavoq §§-ni 1-imi 2-milu aalajangersakkanik naammassinnittussanik.

Imm. 2. Aammattaaq eqqumiitsuliortut atuarfiat assassorluni eqqumiitsuliornermik kursuseqartitsinissamut neqerooruteqarsinnaavoq.

Imm. 3. Atuarfiup ingerlassaanut allanut naapertuuttumik annertussusilimmik ininik allanillu atortussanik eqqumiitsuliortunut namminiivillutik suliaqartur nut atugassisinnaavoq.

§ 4. Kalaallit Nunaanni Namminersornerullutik Oqartussat eqqumiitsuliornermut, atuartitsinermut atuarfiullu ingerlanneqarneranut pisortaasussamik suliasanut aki sussaassuseqartussamik atorfinitsitsissapput.

§ 5. Landstyrip Kultureqarnermut Atuartitsinermullu ilaasortaatitaata atuarfiup iluani aqutsineq pillugu erseqqinnerusumik maleruagassiat aalajangersassavai.

§ 6. Eqqumiitsuliortut atuarfianni qanoq-iliuusissat atuartitsinissallu pilersaarusiorderat landsstyrip kultureqarnermut atuartitsinermullu ilaasortaatitaata aalajangersassavai, aammalu taassuma atuarfiup ilinniartitsisinik sulisinillu allanik atorfinitsitsisarneq soraarsitsisarnerlu pillugit erseqqinnerusumik aalajangersakkat aalajangersassallugit.

§ 7. Inatsit una 1. januar 1981-imiit atuutilissaaq.

Ulloq 21. oktober 1980

Jonathan Motzfeldt

/

Thue Christiansen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut